

增廣大生要旨

增廣大生要旨卷三

上海唐千頃桐園氏纂著

婁縣葉 灝雅卿氏增訂

臨盆

總論

婦人生產乃造化自然之理俗所謂瓜熟蒂落原屬平常  
易事毋庸驚疑然竟有難產者皆因娠妊之後不知培  
養之道犯禁忌於平時及至臨期但急催生而用力太  
早以致橫生逆生種種難產傷害母子或在頃刻或遲  
月日可不畏乎所以胎前保護不可不講而臨盆坐草

亦宜究心焉

六字真言

附或問  
七條

一字曰睡將產時須要調養心神愛惜氣力若能上牀閉目安睡片時最好若不能睡暫時起身或扶人緩行或倚桌站立痛若稍緩又上牀安睡總以睡爲第一妙法但宜仰睡使腹中寬舒小兒易於轉動且大人睡下小兒亦睡下轉身更不費力

二字曰忍痛若腹中痛且令扶行或痛或止尙痛得慢名曰弄胎非正產也凡腹痛腰不痛者未產腰痛腹不痛者未產不可使穩婆試手探亦不可屈腰眠臥直至腰

腹齊痛甚緊一陣不住連痛三五七陣時時眼中如見  
火光此真欲產也自然易生若痛陣未急又須扶策徐  
行起若艱難卽憑物立切勿不耐腹痛坐草太早以致  
難產 或問忍痛過久恐有不妙曰最妙從未有私胎  
而難產者蓋私胎怕人知覺只得極力忍痛忍到沒柰  
何時子自脫然而下此理甚明有何疑慮

三字曰慢臨盆將產時切不可輕易臨盆倘若聽信穩婆  
說孩兒頭已在此以致用力太早誤盡大事此乃天地  
自然之理若當其時小兒自會尋路鑽出何須着急從  
來瓜熟蒂落水到渠成自然而然不待勉強及至生下

卽產母亦不知其所以然也

或問大便亦須用力如何生產不須用力要知大便是呆物必須人力小兒自會運動不但不必用力卻又切忌用力蓋小兒在母腹中要聽其慢慢轉身尋到產門頭向下腳向上倒懸而出若小兒未曾轉身用力一逼則腳先出轉身未定時用力一逼則橫臥腹中一手先出卽或轉身向下生路未正用力略早亦偏在一邊不得出種種弊病皆是時候未到誤於用力之故卽如大便未到糞門縱然用力亦不能出而況於生產乎

或問如何方是用力之時答曰若小兒逼到產門則產母

交骨分開胸中陷下腰腹重墜異常大小便一齊俱急  
目中金花亂閃真其時矣當於此時用力一迸小兒誕  
生便稱恭喜矣

或問早一時斷不可動矣不知遲了一時可不妨否答曰  
不妨若果當其時必無不出之理卽或有不出者此是  
小兒力乏不能卽出但令產婦上牀安睡使小兒在腹  
中亦得安睡歇力片時自然生矣

或問臨期有經驗丸丹亦可用否曰不用大凡生產自有  
時候時至自生何須用藥未到時候切不可早用催藥  
強其速生使兒不能轉胞反致橫生倒生如欲用藥須

待腰腹痛急胞水與血水俱下真正是將產時候始可用藥順勢推之藥亦只須用加味芎歸湯佛手散蓋胎前要血足血一足如舟得水何患不行特恐產母血少又或胞漿早破以致乾澁耳今二方俱大用芎歸使宿血頓去新血驟生隨手見效且使產時快便則產後無病其飲耗氣損血等藥雖極靈應總之有礙昔陳氏妻生產九日不下僅存一息叩醫求兎腦丸問之曰頭逼產門不得出醫令安臥卽與加味芎歸湯明日生下母子兩全設與催藥反或有悞按此係產母用力太早逼令橫在腹中耳豈有倒懸十日而尙得生者乎

或問穩婆總究該用否曰既有此輩亦不可不用但要全憑自家作主不可聽命於彼耳大抵此等人多愚蠢不明道理一進門來不問遲早便令坐草用力必定說孩頭已在此或揉腰擦肚或手入產門探摸多致殞命更有狡惡之輩不肯安靜故作哎呀之聲以逞其能欲索重謝以致產母驚疑害尤不可言按吳越間謂之穩婆江淮間謂之收生婆徽甯間謂之接生婆因其年老慣熟使之接兒落地收生上牀耳原非要他動手也每見富貴之家預將穩婆畱住及到臨時稍不快便前門後戶引到無數紛紛攘攘鬧成一片所謂天下本無事庸



人自擾之

昔張氏妻年輕體壯每孕必八箇月而產每產必數日而下生女必週而歿一醫曰日後臨產可相聞明年又八箇月而產三日不下僅存殘喘忽憶醫言飛輿迎視診之脈未離經穩婆在傍曰兒頭已抵產門不得出耳醫急令安臥且戒勿擾與安胎藥明晨主人出謝問夜來若何主人曰想是試胎今已安好後百二十日計十二箇月足生男且少病多壽始知從前皆生採取出因產婦體壯年輕幸全性命耳

或曰催藥不可亂投穩婆不可輕信已聞教矣若先時悞

於用力以致橫生倒產奈何曰急令安睡用大劑加味  
芎歸湯服之略用手法自然生矣

手法見後  
十產論

### 十產論

凡生產先知此十症庶母子兩命皆得保全世之業收生  
者宜知此庶不害人娠妊之家宜知此庶不自害

一曰橫生因兒身方轉產母用力太早逼令兒身不正先  
露手臂但令產母安然仰臥穩婆以手徐推兒臂令上  
復以中指探兒肩弗使臍帶絆繫待兒身轉正頭對產  
門卽生

二曰倒生因兒未及轉身產母努力一迸故先露足亦令

產母安然仰臥穩婆以手徐推足入靜候片時俟兒身  
轉正近門卽生 但見兒手足略有出意卽令產母寬  
心仰臥輕輕送入弗令多出蓋出少則易入未久則易  
入如出多而久則手足青硬子必受傷難以扶入切不  
可聽信穩婆用刀斷兒手足手足一斷則必亂擾腹中  
兩命俱傷矣 昔一產婦用力太早兒手出不得入穩  
婆礪又以須其翁商之於子聞之惻然遂急令安臥與  
大劑芎歸湯以鹽半分塗小兒手心以香油抹兒滿手  
輕輕推入明日生下母子皆安右臂紫黑數月始消  
鹽收縮且螻人痛兒手得鹽則痛而縮進  
自然轉身生下足先出者亦如此法

或問橫生倒產此皆用力太早之故世間亦有未曾用力而多難產者何也答曰或因母體本弱血氣虛損胎養不足或因病傷寒之後熱甚損胎亦或孕後不戒房事以致慾火傷胎又或多食椒姜炒炙等物熱毒傷胎以及跌撲損傷等症皆致難產藥用加味芎歸湯佛手散三曰偏產因兒雖已轉身但生路未正被母用力逼兒頭偏一邊雖露頂非頂也額角耳令母仰臥穩婆輕手扶正頭頂卽生 又有兒頂後骨偏住穀道旁露其額者令穩婆以縣衣烘溫裹手於穀道外邊輕推兒頭令正卽生

四曰礙產因兒轉身時母用力太早致兒臍帶絆肩雖兒生已正門路已順兒頭已露猶不能生令產母仰臥穩婆輕輕推兒向上以中指按兒肩撥下臍帶候兒正順卽生

五曰坐產因兒將產其母疲倦久坐椅褥抵其生路須用手巾一條拴繫高處令母以手攀之輕輕屈足作坐狀產戶舒張兒卽生下

六曰盤腸產因產母平日氣虛及臨產時用力努掙周身氣血下注以致腸隨兒下一次如此下次路熟亦必如此治法以潔淨不破損漆器盛之待兒胞衣俱下產母

仰臥自己吸氣上升穩婆以香油塗手徐徐送入 古

方用葶麻子四十九粒研爛塗產母頭頂腸收上急洗

去 一法以生半夏爲末搐鼻中其腸自上 又法以

醋半盞水七分調和喫產母面每喫一縮三噴收盡

謂子

若用此法恐產母受驚氣散反有不便

又法濃煎黃芪湯浸之 其腸

若乾以磨刀水少許溫潤之再用磁石煎湯服之卽收

上 磁石須覓能吸鐵者

又方大紙熬蘇油潤之點火吹息以煙

薰產婦鼻中腸卽上 此方最平善可用

七日凍產冬月嚴寒被衾單薄下部受凍以致血冷凝滯  
骨骹產戶堅收見不能卽生速以芎歸湯加炮姜或肉

桂與服衣服宜厚產室宜煖下體更宜溫厚但火氣不可太熱恐致血暈 一法以紫蘇煎湯薰洗大抵嚴寒時產久傷冷氣血必凝用薰洗之法甚妙坐草太早去被良久常有此患慎之

八曰熱產夏月酷暑產室人多熱氣逼蒸使產母熱傷氣分頭疼面赤昏昏如醉氣乏不能產下宜服六一散室中須置井水若涼臺水閣以及狂風陰雨更當謹避總之產婦當溫涼得中爲妙

九曰驚產或因少婦初次生產或因向來難產臨期恐懼以致氣結不行兒不卽下紫蘇飲最妙或用紫蘇一錢

當歸三錢長流水煎服名舒鬱湯

十日傷產懷胎未足月有所傷動以致臍腹疼痛忽然欲產或妄服催藥逼兒速生如此生息未必無傷慎之胞衣先破其故有二一因母弱氣血虛胞衣薄兒身轉動隨觸而破一因兒身未轉坐草早用力狠以致胞破胞破久水血乾產路澁兒難下急用大劑加味芎歸湯加熟蜜一兩助氣而兼潤滑自當順下 又法濃煎葱湯薰洗產戶卽下或以黃芪當歸觔許以大釜煎之使藥氣充滿一室產母鼻口俱受其氣亦良法也 此法冬月最宜春秋亦可若夏月熱斷斷不宜 又有胞水先破被風所吹以致產戶



腫脹乾澁狹小者亦莫妙於濃煎蔥薰洗再服加味芎  
歸湯 又有狡滑穩婆意欲害人私以手指指破胞衣  
極要關防

臨期難產敗血凝滯不能生下者芎歸湯加牛膝瞿麥服  
之卽產 昔醫宿客店值店婦生產數日不下下體冷  
甚急令以椒橙茱萸等煎濃湯薰洗臍腹產門等處氣  
溫血行遂產

產期未至不可令扶產人早抱腰恐兒難轉身

### 臨產暈絕

臨產兒未生下忽然暈絕者此因痛極氣悶急用生半夏

爲末飯丸如豆大納鼻中卽醒

此扁鵲法

### 交骨不開

臨產交骨不開有鎖骨者有元氣素弱胎前又失於調養以致氣血不能通達而然也用加味芎歸湯無不立驗外法令穩婆以麻油調滑石末塗入產門

### 加味芎歸湯

當歸

川芎

各壹兩

敗龜板

一箇酥炙或童便炙

血餘炭

壹錢伍分

水煎服約人行五里卽生如死胎亦下

體虛者川芎只用叁錢

### 胎死腹中

臨產腹中胎死或觸損傷或犯禁忌或因胎氣薄弱不成而殞至於臨盆太早胞漿先破胎血乾涸而死者更多只宜佛手散加味芎歸湯服之自下若不下再用當歸一兩厚朴陳皮各二錢酒水各半煎好加朴硝一錢能令化下極易如或不便服藥但令產母不要慌忙逼迫亦遲遲生下定不傷母慎弗亂用奇方并聽覓惡穩婆致傷兩命

或問何以知其胎死曰面赤舌青母活子死面青舌赤口中沫出子活母亡面舌俱青口邊沫出子母俱死且死胎冷墜脹痛或爲嘔惡或穢氣上衝與好胎不同 薛

立齋云下死胎平胃散加朴硝最妙方用厚朴蒼朮陳皮各二錢甘草五分朴硝五錢水煎服

胎死不出及胞衣不下產後諸疾狼狽者刺羊血熱飲一

小盃極效

聖惠方

胞衣不下

胞衣不下亦是臨盆太早之故當產時骨節開張壯者數日而合怯者彌月而合今不待其開而強出之故胎出而骨眼隨閉以致胞出不及耳如遇此症用佛手散加牛膝瞿麥各二錢滑石一錢水煎服自下

若敗血流入胞中胞卽脹大不得下治之稍緩脹滿腹中

上衝心胞疼痛喘急宜急斷臍帶使其子血脈不潮入胞中但此帶極脆宜以軟絹裹之用心拿定然後斷之否則胞上掩心立至危殆宜急服牛膝湯或佛手散逐去胞中敗血卽時墜下只要產母安心自無患害切不可輕信穩婆妄用手法多致危亡也

兒旣脫胞帶必下墜胞在腹中形如仰葉仰則盛聚血水脹礙難出惟得老成有識穩婆以手指頂其胞底使血不畱聚或以指摸上口扳開一角使惡露傾瀉則中空自落矣

其有氣血疲弱不能傳送而不出者產母但覺乏力別無

脹痛又當補氣助血宜加味芎歸湯不可亂投方藥  
或將產母頭髮吊起急以髮稍探母喉中一嘔卽下

### 臨產宜忌

臨產時只宜老成二三人安靜伺候切不可多人一切親  
族婦女勿令入房若多一人卽多一時遲延孝服穢濁  
人尤當避忌 夏月更不宜多人熱氣擁盛能令產母  
煩躁發暈其害非小

穩婆只宜一人入房不可多喚反致混鬧有悞 凡用穩  
婆須擇老成忠厚者預先囑託及至臨盆務必從容安  
靜千金曰夜半覺痛日中則生可知時至自然分娩不

得用法催逼

在房伺候者總宜安靜不可多言令產婦穩睡爲妙第一要勸其安心忍痛歇息切忌房中大驚小怪交頭接耳咨嗟歎息及求神許愿皆能令產母憂疑擾亂以致悞事

最忌曲身眠臥產母畏痛不肯直身行動以致胎轉不順將到產門被母曲腰遮閉再轉再閉兒必無力而不能動決定難產人見其不動卽謂胎死實因無力非死也此時任有妙藥亦不能助兒有力而動只要產母心安氣和息養片時自然生下切忌驚憂躁急蓋驚則氣亂

憂則氣結躁則氣逆惡血上冲多致悶絕

天時寒冷產母衣裳宜厚被褥宜溫胸背更宜和暖房中宜多設火盆辟除寒氣否則氣凝寒滯兒難送下

盛暑之月產室須要清涼熱甚則產母頭疼面赤必致昏暈宜多備井水以收熱氣須頻頻換之若遇疾風陰雨又當謹避

或有兒生不順與雙胎難出以及恠胎不必驚慌自然生下總要穩婆多方安慰能不令產母聞知更妙倘若驚慌則愈難生下

臨產以進食爲本此時心內憂疑腹內疼痛甚至精神疲



倦口中失味全要美味調養倘不能食鷄鴨膾肺清湯  
宜頻頻與之 宜時食稠膩米粥令弗饑渴以致乏力  
更不宜食冷硬難化之物

產時捏產母中指若中節跳動方真是產候  
臨產腰痛甚急兒逼產門方可坐草

臨產方藥

紫酒 治孕婦腰痛如折

黑料豆

貳合炒焦

白酒

壹碗

煎至七分空心服如不善飲酒者

水煎服藥後隨飲酒一二口以助藥力

保產無憂散

見二卷第三十四頁

佛手散 妊娠六七月後或跌撲傷胎或胎死腹中疼痛  
不已口噤昏悶或心腹飽滿血上衝心者服之生胎卽  
安死胎卽下又治橫生倒生及產後腹痛發熱頭疼逐  
敗血生新血并除諸病

當歸

伍錢

川芎

叁錢

水七分酒三分煎服

臨產方

臨盆將產服此最妙屢試屢驗

當歸

壹兩

枳殼

壹錢

川芎

叁錢

益母

叁錢

黃芪

伍錢

水煎服

催生神柞飲

婦人臨產服之活血逐瘀可保萬全不拘

橫生倒生胎爛腹中脹悶及少婦交骨不開用之屢效

生柞枝

貳兩

甘草

伍錢

水二碗煎一碗服

又方 少婦初產交骨不開或因臨盆太早用力催逼兒

橫腹內諸藥無效此方百發百中實救急之良劑也

生柞枝

洗剉

益母草

各壹兩

川芎

叁錢

當歸

伍錢

人參

叁分

水二碗

煎一碗溫服

產婦須仰臥片時待藥力一到交骨自開兒身自正然

後扶起臨盆脫然而生全不費力矣 方用柞枝取其

滑澤益母動血活血芎歸養血調氣人參接養母力更

兼安心靜臥使藥力通達自必脫然而產矣

八珍湯

產科心法

治交骨不開而血水去多胞中子腸乾澀

者

人參

白朮

土炒

茯苓

白芍

川芎

各壹錢

炙草

叁分

熟地

叁錢當歸

伍錢

姜棗水煎服

或加丹參

叁錢

乳香

去油須極淨

伍分

益母草

貳錢

寒天加炮姜

壹錢

嘔吐加生姜砂仁如胎上逼

加淮牛膝

叁錢

附產科心法載難產醫案

昔麗安治產七日不下諸治莫效麗令其家作湯溫其腰  
腹自以手上下與之拊摩孕婦覺腸痛甚少間生一子  
問其故曰兒已出胞因手執母腸不能出我爲隔腹捫  
兒手潛針之無他術也視兒右手虎口果有針痕  
又婦坐草早恐懼氣結不下蓋恐則氣結而精神怯上焦

閉下焦腹脹用紫蘇飲

方見二卷子懸卽生

滑伯仁治七日不產且食少用涼粥一盃搗楓葉煎湯調

飲旋產

楓葉先生者先落用是意也

吳菱山見產三日不下以車前子爲君冬葵子爲臣枳殼

炒白芷爲佐服下立產

高賓治劉姓婦產不出而死臨殮見其貌不似死者斯時

天寒異常知是凍產必由血冷凝滯不行卽令用紅花

濃煎湯絲醮乘滾盪於腹上再用熱湯薰洗而甦甦後

隨產一子無恙

予治錢氏婦產難用佛手散加炮姜再用薛立齋法取路

旁草鞋一雙以鼻絡小繩燒灰酒調和服片時卽產

又許衛中妻產難三四日不能下穩婆欲用拆胎之法予  
曰不可設胎未傷而用刀必負痛上衝於心豈不兩命  
俱喪縱使胎死不下予自有藥下之乃令穩婆出隨用  
佛手散加炮姜二錢厚朴一錢煎服時已初更至半夜  
而產其胎雖爲穩婆動手所傷而產母無恙此亦冬寒  
血冷之故也

又于勝元五日產不下用四物湯

方見二卷漏胎

加倍進之不應

因思胞水瀝乾再進入珍湯

方見醫案前

助其氣血更煎湯

薰洗陰戶而產

此皆在浙時略記之餘惟用保產無

憂散及佛手散應驗者多不及多載諸書催生方頗多  
緣恐方愈多而用者心愈亂故不繁載

至於安產婦臥房雖有其說亦不必盡信思小戶之家無  
處可移亦要生子也

加味益母丸

出家傳胎產各方

孕婦諸症並宜服之

益母草

肆兩

白朮

壹兩

條芩

捌錢

其爲末煉蜜丸彈子大清湯

送下一丸

作細丸亦可

孕內常服甚好多氣加木香叁錢弱人

煎安胎飲送下胸腹不舒加紫蘇陳皮

各貳錢

# 附胎產靈符

是書將付剞劂適友人以胎產靈符見示云自天師府傳來屢著靈驗已救活多人因并附於三卷之末以公諸世特非至危至險不可輕用恐褻瀆神明反致不虞也葉嶺識

原序 達生編一書流傳久矣其所以保育嬰孩安全產母者厥功甚偉顧第論生產之常而未有起死回生之術也夫男女構精萬物化醇此亦天地自然之生理安有橫逆之虞而如近世有先出一手者俗名討鹽生先出一足者俗名踏蓮生是皆用力太早小兒於腹中尙未轉身何討鹽踏蓮之有故達生編以產母安睡爲第一要訣然使一遇此等迷致產母心驚旁人意亂穩婆從而動手稍有不慎倉猝釀成變故良可慨也此符傳自天師府靈驗頗著余所目覩者如某廚妻產兩日不下命瀕於危友人問而書紫光一符以貼之復書一符以飲之頃刻之間竟得分娩母子無恙謂非起死回生者歟亦大奇矣夫神靈所賦原在可解不可解之間如此符之靈異設千百而遇一則活一人千百而遇十則活十人是足以補達生編之所未逮而功亦甚偉也



因付剗尉以廣流傳  
而爲之述其緣起云

咸豐八年歲次戊午孟陬月

穀旦

凡例

一偏隅鄉曲有此符本片刻可以救人實屬一片婆心  
當奉爲至寶

一難產之家只須用紫光一符已立見效後三符自可  
弗用存之以備十分艱險者

一此符爲難產而設不可心存欲速貪圖痛少輕易用  
之

一鄉人或婦女看不明白請人代書不可錯誤不可受  
謝以致不靈反延時刻此代書者之罪過

一此係符咒須安潔淨處慎勿穢褻惟書寫時葷素不

增廣大生要旨

卷三

七

忌

一倘有好善君子翻刻廣布須校對無訛方徵信驗因  
所用在緊要關頭故不憚詳說

胎產靈符

安胎符

龍

五龍吐水  
速與安胎

止

鐵筆一下萬水不流  
縮谷道緊閉一身

右安胎符止字一小豎由下剔上小字均照寫亦在符

內下文尚有符膽

雷

救苦

雷

生

雷

解厄

雷

以上四字連小字是膽蓋在襲字上面重疊寫上卽成一片墨亦可但不可寫錯本日寫卽本日服不可隔夜

不可受謝此符凡孕婦胎動無論幾月皆可化服其化服之法先點一燈以清茶大半杯左手擎茶右手將符近燈化入茶面須順放下符灰不可撥亂連口吞下卽安

催生符

我從賢聖法來未曾殺生

以上十字用淨硃新筆紅紙書好貼在孕婦臥牀對面或牆或板再令產婦默念此十字至生字則出聲此經驗符云

生卽生字

催生屢驗方

紫光夫人在此

上六字用無礬黃紙潤一寸長三寸用硃砂新筆朝東方寫貼在孕婦牀頭

紫光夫人命赦

上六字亦用黃紙照前寫用開水化服符灰不可攪碎服之立產產後卽將牀頭所貼一條用元寶一提當天謝送不可忘記遲則生腸立出切記切記此符靈驗異常不可輕用如實係難產虔心書服自得母子俱安

催生萬全符三道

此符三道每一道用煖茶大半杯將符化灰在茶面上

符灰不可撥碎服如安胎符法但每道有二張第一道  
宜先化龔字張隨化𠄎字張服之爲一道第二道先  
化明字張隨化𠄎字張服之爲二道不可顛倒第三  
道止一張則無分先後矣服第一道後待一二刻若小  
兒未下再服第二道再待一二刻服第三道倘有橫生  
逆產或先出一手一足之類不必驚恐慢慢將手足托  
回裏面將符按次化服無論生死胎立即便下用時須  
本日書本日服不得隔夜隔夜則不效矣符放潔淨處  
倘可不用則當空焚化可也

第一道第一張

龍水

五龍吐水

速與催生

牛

蹙爽無凝滯十月

懷胎滿與送下

馬

猛馬四張穿山礮

歟火冲

泉流通

第一道第二張

晷時大聖北斗七元君能解產生厄上工十

骨鎖開

89

是男是女速生來

右符第一道用無礬黃紙潤四分長五寸潔淨筆墨書  
化服法如前

第二道第一張

明

日月已成毛髮已成是男是女速生下來把吾符

去子母離莫傷母命莫損子身急急如律令敕



第二道第二張



以舌黃龍捲動筆池水滿吞下祖宮以身一蹲開  
生戶存身爲產女着力直下存嬰身翻身直下



字落筆由外圈入內一筆直下尙有符膽照寫勿

錯

靈

救苦

靈

生

靈

解厄

靈

召

戶

漸耳

上六字卽符膽加在字上面每寫一字念咒一遍  
連小字作一個字隨寫隨念照字重疊寫上成一片墨  
不妨

書符咒語

速生來看破應出筆直下是男曲折是女符破有驗  
右咒語不可句讀連念可也

第三道是死胎符

蓬騰斬叩暗耳加龜龜龜龜龜龜龜龜

右死胎符作第三道

增廣大生要旨卷四

上海唐千頃桐園氏纂著

婁縣葉 灝雅卿氏增訂

產後

新產宜忌

小兒出戶扶產人卽以兩手輕抱產母胸前產母亦自以兩手緊抱肚臍令胎衣下墜再宜以手從心下輕輕按摩至臍日三四次使惡露不畱

宜厚鋪袖褥高枕靠墊勿令睡下宜仰臥不宜側睡宜豎膝不宜屈足宜閉目靜養切忌大喜大怒亦不得熟睡

恐倦極熟睡血氣上壅因而眩暈亦不可高聲急叫以致驚恐

四壁遮圍使無空隙庶免受風

房中宜燒舊漆器或用鐵秤錘燒紅入醋中或以醋沃炭火上或以銅杓盛醋微火常煎令醋氣入鼻以免血暈且收斂神氣又能解穢

婦人產後如無他症不必服藥三日之內但以益母草煎湯紅糖調化溫與頻服間服生化湯使惡露下盡自無血暈腹痛之患三日之後少飲陳酒不可令醉又不可卽食鷄子猪羊等肉須以白粥調理松江鯊魚淡蒸或

淡梅乾菜食之半月方與笋鷄鮮肉漸漸加至如量纔免陽盛陰衰發熱脹滿瀉痢等患若不避風寒而感冒不慎口腹而傷中俱致發病

初產時不可問男女恐多言語而泄氣或以愛憎而動氣皆能致病倘連胎生女亦人事之常凡爲翁姑與丈夫只宜好言寬慰切不可咨嗟歎息抱怨產婦令其氣苦致病傷生

生男生女自有定數明理人固安義命世有因連胎生女而或棄或溺者能不傷上天好生之心乎文王之聖后妃之德故得螽斯之慶修德行仁自縣瓜瓞求嗣者萬

勿河漢予言

滿月後方可梳頭洗足否則手足腰腿必有酸痛等症不可獨宿恐致虛驚不可刮舌恐傷心氣不可刷牙恐致血逆須至滿月氣血平復方可照常理事

胞衣不下

與三卷中參看

產科心法曰胞衣不下最關利害或孕中食煎炒或臨產氣力疲憊皆不能出宜於剪臍時用苧線繫定不可卽剪服以芎歸湯卽佛手散自下如或血入胞衣之中脹大不能下以致心悶脹痛喘急者速用失笑丸三錢清酒吞下如不應再用花蕊石散二錢或牛膝散亦可血散脹

消其胞卽下如不急取恐瘀血上升有傷產母之患是以失笑散花蕊石散產科必須預備以防急用

### 失笑散

蒲黃

略炒

五靈脂

洗去泥略炒二味等分用米飲丸淡醋水吞貳叁錢此方治兒枕痛亦必用

### 花蕊石散

好花蕊石

壹觔細研篩淨

上色硫黃

肆兩研細

二味和勻分四分用

好羊腎確揀無疤損者用黃泥週身塗之陰乾曬至裂縫卽補好恐進火氣使內丹走出將藥裝入再用瓦油盞頭一箇仰蓋口上用鹽泥封固口縫待乾用細鐵線上下四圍紮好如此四確用大砂盆一箇將確安放下

用大鐵釘攔住週圍硬炭文武火煉大香三炷退去火不可動次日已冷然後取出研極細裝磁瓶聽用此藥十年五載收陳不妨每服二錢熱酒童便調服使瘀血化水而下如不應再進可也 產後敗血暈迷或胞衣脹急不省人事但心頭溫者灌下卽甦亦是起死回生之法然煉此藥亦不易如火候文武不勻確口封不如式硫黃性最猛烈每致迸裂人宜防備且藥亦無用矣

牛膝散

淮牛膝

川芎

蒲黃

微炒

丹皮

各貳兩

當歸

壹兩伍錢

肉桂

肆錢

共爲末每服水調五錢

薛氏云胞衣不下則腹脹急



用此藥加朴硝合服自能腐化而下緩則不救

血暈與氣脫宜分別施治

血暈是實症逐瘀爲主此因惡露不行惡血冲心心下滿急神昏口噤不省人事切勿放倒急與生化湯失笑散或佛手散皆可用 一法用韭菜一把切碎放有嘴瓶內以熱醋一大盞灌入紮口瓶嘴向鼻遠薰之

氣脫是虛症補正爲主此因平素虛弱臨產復用力勞傷去血過多亦致昏暈不醒微虛者少頃卽甦大虛者脫竭卽死但察其面白口開自汗手足厥冷六脈微極是氣脫症也生死判於頃刻切勿放倒令一人挽住頭髮

急與大劑芎歸參附等回其陽或增損四物湯煎濃徐徐灌之但得下咽即可救活若認作血暈而以行血藥投之益速其斃

產後血攻或下血不止心悶面青身冷欲絕者刺新羊血一盞乘熱飲之三兩服妙

若血氣虛弱又感風邪卒然昏暈不知人者清魂散最佳清魂散 治產後氣血虛弱外感風邪昏暈不省

當歸

貳錢

川芎

伍分

人參

壹錢

炙草

叁分

荆芥

捌分

炒黑

水煎服

子方生下母即昏暈不省此時藥不及備遲則不救急用紬絹舊衣謹閉產戶令知事婦女曲膝抵住勿使下面

氣洩又令人一手挽住髮一手捫住口勿使上面氣洩  
俟其稍轉方用醫治

產科心法曰張仲景先生云產後鬱冒爲血虛而厥也其  
脈微弱嘔吐不食大便堅頭汗出此血虛於下孤陽上  
冒防其脫也宜大補之 李東垣曰陰血暴亡心神無  
依致昏冒 鐘齡先生曾用人參兩許加炮姜附子以  
救之予亦救多人用參芪歸地並進而起案附卷尾  
大抵脾虛痰厥頭眩而嘔者用六君子湯加炮姜若瘀  
血不行腹痛拒按者服佛手散下失笑丸此爲半虛餘  
皆大虛如面白眼閤口張手散足冷鼻寒皆宜十全大

補若一味退縮不急峻補則人已去遠後悔何及

六君子湯

人參壹錢 半夏壹錢 白朮土炒壹錢伍分 茯苓貳錢 炙草伍分 陳皮柒分

姜棗水煎

十全大補湯見前臨產卽入珍湯加黃芪肉桂 佛手散見前臨產 失笑丸見前

中風發瘕

產後爲風邪所中角弓反張口噤不開名曰蓐風華陀愈風散灌之最妙不得大發其汗并轉吐瀉不能生矣

愈風散 治產後中風口噤手足抽掣及角弓反張或血

暈不省人事四肢強直或心頭倒築欲吐欲瀉

荊芥穗

去梗焙黑爲末

每服三錢童便調下口噤則挑牙灌之

或以童便煎取清汁滴入鼻中其效如神

若臨產努逼勞傷陽氣陰血又虧無以養筋爲風邪所感以致牙關緊閉四肢痙強或腰背反張肢體抽搐名曰痙症當大補氣血略兼荊芥蔓荊一二味驅風之品若專治風邪必致不起

產科心法曰心慌驚悸或目不轉睛語言健忘此由心血空虛神不守舍當補心神爲主安神定志丸歸脾湯並進或佐以訥菴養心湯其諸症自愈

安神定志丸

茯神 茯苓 遠志 人參各壹兩 石菖蒲 龍齒各伍錢

爲末蜜丸桐子大辰砂爲衣每服二錢

歸脾湯

人參壹錢虛人叁伍錢 炙黃芪貳錢 甘草伍分 歸身壹錢伍分 茯神叁錢 棗

仁貳錢炒 白朮貳錢土炒 桂圓肉伍枚 姜棗煎

養心湯

人參 炙黃芪 茯神 茯苓 夏麴各壹錢 當歸貳錢

川芎 遠志 柏子仁去油各伍分 肉桂 炙草各叁分 五味

子貳分 水煎服

又曰產婦汗多發瘧俗謂產後驚風實非風也乃肝血空

虛不能榮筋以致手足抽搐有似中風之狀更有口噤  
咬牙角弓反張此血氣大虛之惡候若非十全大補加  
附子將何以救之或先用古拜散配歸芎服之再服大  
補湯自可成功

薛氏案與女科指掌俱云小續命湯此必刻書之人補  
入者不然二公何亦荒唐至此不思小續命湯是仲景  
傷寒論中風症也第可用之以疎風豈可施之產後乎  
且中風一症氣血虛者多有之經謂治風先治血張景  
岳有非風之論謂治平人尙宜補血矧其爲血氣大虛  
之產婦乎

古拜散

見後

十全大補湯

見前血暈

產門不閉

產門不閉氣血虛也服加味芎歸湯

方見臨盆

總以大補氣血

為主

產科心法曰此血氣大虛也先用生化湯一二劑隨進入珍湯補之如不應服十全大補湯溫補之自愈閒有難產被穩婆手指撐傷致產門破損疼痛卽用花蕊石散少許摻於傷處自愈

生化湯

治產後兒枕作痛及惡露不行腹痛等症

當歸

伍錢

川芎

壹錢

桃仁

七粒去皮尖及雙仁者研

炮姜

叁分

炙草

伍分

或加



益母草貳錢水煎溫服或加酒及童便少許冲服 此仙

方也凡新產當服數劑自然去瘀生新產後無病或有

他故再按各症治之 按產後本屬血虛陰亡則陽孤

氣亦受傷若峻補則氣血易滯失調則諸邪易襲此方

去瘀生新扶陽益血行中有補化中有生至當之劑也

八珍湯見前臨產加黃芪肉桂卽十全大補湯

八 心慌自汗

產科心法曰產後心慌自汗宜服歸姜棗湯并醋炭薰法

當歸肆錢黑炮姜壹錢炒棗仁貳錢加黑棗水煎服若服後自

汗不止心慌無主恐防暈脫可加人參壹錢熟附子伍分顧

其根本仍用醋炭薰之以收神氣汗自止此內外並治之妙法其人參在初產原不使用道具然虛脫之象不得不疑不敢用是不知制法用之不當自然誤事若遇氣虛脾弱汗出泄瀉嘔吐不食等候非用參附將何以救之經謂血脫益氣虛極生寒必以十全大補湯收功也

### 惡露不下

產後惡露不下其症或腹痛往來寒熱或小腹痛引腰脊蓋因腹有宿冷或感新寒以致敗血壅滯不行生化湯最妙佛手散亦可若惡露淋瀝不絕因腹中惡血未盡

也治法同

產科心法曰產後診視必先問臨產瘀血多與少有與無此物關係極大眼前則防發熱腹痛小便被阻甚有積成內癰之患久後變成癥塊積致血鼓豈不大有干係如瘀不行必多服生化湯自然流通如兼腹脹佐以失笑丸

見前胞衣不下

如感冒下部受寒加肉桂

產後血崩

產科心法曰惡露不可不行又不可多行崩者如水之流此症最重總屬榮氣空虛不能攝血歸經當以歸脾湯主之然又有怒傷肝者於歸脾湯加炒黑山梔

壹錢阿膠

錢貳分艾葉伍分酒炒柴胡貳分或服補中益氣湯 又有瑞蓮散

方止崩妙劑重者參附湯加阿朮地補之

歸脾湯

見前中風

補中益氣湯

黃芪貳錢伍分蜜炙白朮壹錢歸身壹錢伍分人參壹錢柴胡叁分炙

草伍分升麻叁分陳皮柒分姜棗煎

瑞蓮散

蓮肉百粒棕櫚灰 當歸各壹兩川芎伍錢鯉魚鱗燒灰炮姜

炭伍錢共爲末酒調二錢二服自止

參附湯

平時崩症亦當參以此理

人參

叁錢

熟附子

壹錢

水煎服虛甚加熟地

兩

茯神

貳錢

阿膠

叁錢艾葉

伍分

大劑補之方能成功遲則防脫貧者以黃芪

兩許代參

子宮不收

臨產坐草太早勞力努掙致陰下脫若脫肛狀及陰挺出  
逼迫腫痛舉重房勞即使復發清水流注小便淋漓宜  
人參乾姜湯或補中益氣湯見前加醋炒白芍外以五味  
子爲末泡湯洗又用末藥敷之或洗以寸金散

人參乾姜湯

治子宮下脫

人參

另煎

白芍

酒炒

山藥

各壹錢

歸身

貳錢

炮姜

伍分

炙草

伍分

水

煎服

敷藥方

血竭伍分人參叁分藥珠壹分冰片貳釐共研極細末摻之

寸金散

紫梢花 胡盧巴 蛇牀子 樟腦各壹錢水煎薰洗

一方用香油抹子宮上以牙皂末吹鼻中取嚏時縮上

此方與盤腸產參看一方以猪大腸斤許煎湯入五倍子末五錢

用細軟絀片溫洗緩緩托上 一方蛇牀子一升炒熟

帛包熨患處 一方硫黃烏賊魚骨五味子各五錢為

末摻之 薛立齋曰子宮有損落一片者皆氣血虛脫

所致但服參芪升提之藥自愈此非腸胃可比無礙也  
補之血肉原可自長

不語

產後不語因母素弱臨產勞傷以致血氣擾亂上壅心竅  
而不能通津於舌則舌本強而不言語也宜芎歸湯見  
臨盆加石菖蒲之類七珍散亦可

七珍散

人參

壹兩

石菖蒲

伍錢

生地

壹兩

川芎

壹兩

細辛

壹錢

防風

伍錢

辰砂

另研  
伍錢

共爲末每服一錢薄荷湯調下

一方人參石菖蒲石蓮肉各等分共爲末每五錢水煎

服

產科心法曰此症因心腎虛而不交脾虛不能運動舌本  
縱有微邪皆由元氣不足所致古方七珍散其中菖蒲  
細辛防風須酌用如果因風邪所閉且暫服一劑再察  
其病源兼症治之 若思慮傷脾倦怠食少者服歸脾  
湯見前 若氣血兩虛內熱者用八珍湯見前 若脾虛  
生痰嘔噁少食者用六君子湯見前 或水虧生熱面赤  
火浮者用六味地黃湯如法按經調理自然易愈倘妄  
行祛風攻痰或用香散之藥則去之遠矣

六味地黃湯



大熟地

叁錢

山萸肉

淮山藥

各貳錢

牡丹皮

澤瀉

各壹錢

茯苓

壹錢伍分

水煎服

### 產後發熱

不論正產與小產數日後忽然渾身大熱面紅眼赤口渴欲飲凉水晝夜不息此血虛之症宜當歸補血湯以補其血若認作傷寒而誤以陽明症及傳入三陰熱病看而投以寒涼清火之藥必立斃矣

當歸補血湯

大補陰血治血虛發熱如神

黃耆

壹兩

當歸

伍錢

水煎服

產科心法曰產婦發熱皆因血虛宜四物湯加黑姜溫治

之則熱自退如不應更加童便少許冲服熱自然退但  
童便性寒不可多用又有脾虛傷食亦能發熱更有胃  
虛發熱法當調其飲食理其脾胃用五味異功散補之  
如傷食少加神麴穀芽更有躁熱面目赤色煩渴引飲  
其脈洪大重按全無此虛極假熱也宜服當歸補血湯  
重者用十全大補湯或加製附子收其浮散之陽熱必  
自退若悞醫風熱投以涼散之品立見危殆慎之慎之

乍寒乍熱

與前發熱合參

產科心法曰凡產後風寒發熱晝夜不退宜於生化湯中  
加黑荆芥一味足可驅邪蓋產後體虛百節開張腠裏

不固易受易出此小賊也不比傷寒症之必刀兵驅盜耳如血虛與傷食則日晡發熱清晨必退二症雖相似其中仍有分別如傷食必愛腐吞酸胸隔滿悶穀芽陳皮湯頻飲可愈其血虛者則無前項等象只可用四物湯見後加炮姜可退若嘔吐不利腹痛食少脈沉細而遲或浮大而空宜理中湯溫補之見後腹痛寒熱虛實若不辨明安能無悞

五味異功散即六君子湯除半夏見前血暈十全大補湯見前產門不開

愈風散

荆芥穗

炒黑壹錢

當歸

伍錢

作一服爲末生姜湯調下或加川

芎

壹錢

煎服亦可

此方退風並驚風搖搦俱妙

霍亂

產後勞傷氣血脾胃虛弱或多食煎炒厚味不能運化又或風寒外侵陰陽隔絕輕則上吐下瀉重則遍體轉筋腹痛手足厥冷命在頃刻急用佛手散

方見前

當歸

伍錢川

芎

叁錢

加人參白朮炙草乾姜之類以溫其中

浮腫

產後敗血停積以致營衛阻滯運行失度面目四肢浮腫宜芎歸湯

方見前卽佛手散

加血餘炭黑荊芥牛膝瞿麥之類

血行則腫自消若作水氣治產後既虛又以藥虛之是

謂重虛多致殀枉 凡水氣必發噉小便數若小便如  
常不發噉但覺手足寒乃氣血塞而不通也不可攻水  
若因氣血虛而腫者又當調補不可以敗血醫治益  
傷脾氣

### 蒸乳

產科心法曰乳必使呼通如不通必乳腫作寒熱之狀此  
非他症爲乳所阻宜用香附瓜蒌通草橘葉煎服其藥  
渣煎洗如不自乳子者只煎炒麥芽三錢薰洗乳退熱  
亦退

### 乳少

乳少者血虛胃弱之故產時去血過多或產前有病以及貧苦之家僕婢下人產後失於調養血脈枯槁又或年至四十血氣漸衰往往無乳但服通脈湯自能有乳若用穿山甲漏蘆王不留行等物勉強催逼乳汁清薄令兒不壽且損傷氣血產後多病不久便乾反爲不美惟壯健婦人痰氣壅盛乳滯不來者可用疎利之藥

通脈湯 治乳少

生黃芪

壹兩

當歸

伍錢

白芷

壹錢

通草

貳錢

用七孔猪蹄一對煮

湯吹去浮油煎藥一大碗服之以被覆面而睡卽有乳或未效再一服新產無乳者不用猪蹄只須水酒各半

煎服體壯者加好紅花三五分以消惡露

簡易方

凡婦人乳汁不通用小赤豆一斗

即赤豆之小者俗乎米赤

煮粥食之乳自通利

乳汁乃氣血所化產後不可多

食鹽不獨少乳且能發嗽也

產科心法曰產後憑乳以養兒凡乳少總屬氣血不足然

酒雖引血生乳宜用淡酒若多飲及飲好酒每致少乳

藥服黃芪補血湯

見前乍寒乍熱

加山藥三五錢極妙或以蝦

斤許煎淡酒去蝦飲

乳癰

內吹外吹

產後乳腫脹痛其因大抵有二一必少壯之婦氣血強盛

乳汁多而兒尙小不能喫退以致宿乳畱畜新乳又生  
陳陳相因壅塞乳竅凝滯不通以致腫痛成癰最易成  
而易潰勢必傳房不致一癰而已一必任兒含乳睡着  
兒不吮乳反吹氣入乳中亦閉乳竅以致脹痛其症稍  
緩二症只消疎通乳竅兒吮手揉使乳汁流暢便可消  
散非若病由七情鬱結致生乳岩不赤不痛積之歲月  
者之難治也但不急醫而任其潰爛後必乳少汁清致  
兒缺乳多病受累無窮其母須自慎之

神效瓜蒌散 治乳癰

瓜蒌

壹個  
爛研

生粉草

當歸

酒洗各  
伍錢

乳香

去淨  
油

沒藥

去淨  
油各



壹錢用酒煎服良久再服

五物湯

治乳多腫痛成癰

四物湯

見後腸中瘕

加麥芽五錢煎服

簡易方

治乳癰初發

貝母爲末每服二錢熱酒下卽揉乳使通

又方

治乳癰乳吹

蒲公英一握搗爛入酒半鍾絞酒溫服渣貼患處甚者

三五服愈

又方

能托散諸毒女人乳癰尤效

將遠志用米泔水浸洗槌去心爲末服三錢用好陳酒

一鍾煎澄清飲之滓敷患處

產科心法曰婦人乳疾必發寒熱兒在母腹中七八個月乳忽紅腫名曰內吹產後有硬塊者或乳不通宿乳積成或被子含口中吹氣貫入名曰外吹俱防生癰宜服瓜萸散外敷香附餅自可消散又有婦人肝氣鬱怒者並用前方加柴胡參分白芍壹錢俱酒炒橘葉十片煎服早消爲妙或服逍遙散亦可

瓜萸散

見前

香附餅

香附

肆兩炒爲末

麝香

叁分

共爲末另用蒲公英

貳兩

銀花

叁錢酒

煎去渣以此藥酒調香附末頓熱敷患處內服瓜蒌散

自消

逍遙散

當歸

貳錢

白芍

壹錢

炒

柴胡

酒略炒

茯苓

壹錢

白朮

壹錢

炒

炙

草

伍分

薄荷

伍分

姜

貳片

煎服此方

加丹皮

黑山梔

名加味

逍

遙

遙散平肝火也

狂言譫語

產後狂言譫語如見鬼神者其源不一一則心虛中風精

神恍惚言語錯亂宜芎歸合華陀愈風散

方見前

二則敗

血迷亂心經顛狂悶暈同血暈治法三則感冒風寒惡

露不行憎寒發熱如瘧晝日明了暮則語如見鬼神宜

芎歸湯

方見前

加驅風寒藥一二味

如荊芥藁本炮姜之類

四則產

傷氣血心氣大虛以致心神驚悸不安時見鬼神言語顛倒宜芎歸湯吞補心丸得臥即安

### 補心丸

黃芪

蜜炙

棗仁

遠志

去心甘草湯泡焙

茯苓

各貳錢

生地

伍錢

人參

壹錢

菖蒲

柒分

共爲細末大棗和丸硃砂爲衣

產科心法曰產後顛狂譫語或乍見鬼神甚有不避親疎不知羞恥者其間有血虛神不守舍者有敗血未盡悞補而然者有心脾本虛妄思妄想致心神不安者治法

用安神定志丸倍人參加歸芎主之佐以歸脾湯予制  
定神湯每用取効此皆安神補虛之意也倘早能逐清  
敗瘀則新血自生安有顛狂之變此爲姑息錯治所致  
病久名曰失心症有縣延數載者治法惟白金丸最妙  
也

### 定神湯

人參

壹錢

熟地

叁錢

當歸

貳錢

茯神

貳錢

製附子

伍分

肉桂

叁分

澤蘭

參鬱金

壹錢

龍齒

捌分

橘紅

捌分

用鐵秤

砸燒紅

淬水煎服

白金丸

經驗方曰婦人失心病狂驚憂痰結血於心絡

竅者服之神效屢用奇驗

真川鬱金

宋兩

明礬

參兩

爲末薄荷疊法爲丸每服五十丸

開水下

一方用薄荷湯爲丸

安神定志丸

見前驚悸

歸脾湯

見前血崩

琥珀地黃丸

此方治產後偶感惡露不行憎寒發熱狀

如瘧疾晝明白夜譫語與熱入血室同皆血分病用此

丸極妙若攻痰則危矣

琥珀

另研

延胡索

糯米炒

當歸

各壹兩

蒲黃

貳兩炒

生地

壹斤搗爛絞汁

以汁浸生

姜

壹斤搗爛絞汁

汁浸生

地渣曬乾

共爲末煉蜜爲丸彈

子大開水化下一丸

又方 治敗血上衝發熱狂言脉虛大者

生地 丹皮 荷葉 各貳錢 煎湯調真生蒲黃末二錢下

心腹諸痛 以下皆產科心法

心腹痛各有不同有瘀血凝結有飲食停滯有風冷客進指掌各爲各類未免煩衍大抵初痛總宜服生化湯去瘀生新亦有二三劑而痛卽止者如或瘀積小腹不散轉側若刀錐刺痛手不可按痛而不移者用失笑丸主之佐花蕊石散二錢 二方並見前胞衣不下 瘀行痛止如感風寒必口鼻氣冷如停食必吞酸滿悶此二症俱用二香散主之若中氣虛寒腹中冷痛必喜熱物熨手按而痛稍緩用理中湯加肉桂溫之如小腹氣從下逆冲而上痛

連心腹忽聚忽散此瘕氣也另用橘核丸主之如小腹有塊手不可按係瘀血壅滯名曰兒枕痛並用失笑丸若瘀不散久之防生腸癰卽於後編查看審治

香散

香附貳錢廣木香壹錢砂仁伍分陳皮捌分炙草伍分炮姜壹錢生薑

片壹片水煎服

理中湯

白朮貳錢炙草柒分乾姜壹錢人參壹錢煎服加製附子名附子理中湯

橘核丸

橘核鹽酒炒小茴香貳兩川棟子煨去肉桃仁雙仁者不用炒去皮尖



香附

山查核

炒各壹兩

紅花

黃木香

各伍錢

共爲末以神

麴三兩打糊爲丸每服三錢開水下

### 腹內癰作痛

產後積瘀每生內癰人所罕識其流腿股而生者外毒也  
外科可治無害積於內而生大小腸癰者內科產科之  
事不可不知往往穿臍而潰或內爛斷腸而死人第知  
爲腹痛而死不知腸癰之爲害予治愈多人因著於編  
以補前人所未發并使後之產科知之知所補救其症  
當按其腹痛處有硬塊在臍邊按之愈痛者是也若塊  
堅硬猶未成膿脈必不數痛無休歇方用牡丹皮散數

刺必消如尺脈已數按塊稍軟內必腸鳴二便不甚利  
痛或一止少頃又痛此癰已成膿毒無出路小腸癰必  
穿臍而出勢已危矣以大劑人參補之或可十中救一  
然性命雖保亦終身不能生育矣倘不知治法則尿從  
臍出必死無救其大腸癰大便難下治不如法或不與  
出毒毒必爛腸腸傷必瀉上不飲食而嘔惡口中有一  
股濁穢之氣此腸爛穿必死予治驗有案附於卷尾  
若瘀流腿股或腰髻則痛如錐刺手不可近亦防生疽  
宜服桃仁湯早散之 腸癰初起小腹痛小便不利六  
脈微緩不作寒熱者輕若小腹堅硬而腫六脈洪數者

險或尺部獨數尙可治潰後腥臭不進食不受補者不治初服丹皮散不消再進桃仁湯或薏苡仁湯如消不去以排膿湯如未穿與陳皮葵根湯卽穿膿出後仍有微痛用海浮湯三服毒未盡可盡毒已盡者易於收口三服後卽宜服四物入珍十全大補等湯補之不然毒雖去內尙虛防有食少面黃盜汗無力神倦不寐一派虛象出矣併忌房事年餘食物氣惱俱宜謹慎

千金牡丹皮散

丹皮 苡仁 茯苓 生黃芪 生甘草 桃仁 白

芷以上各壹錢 當歸叁錢 川芎壹錢 官桂伍分 木香叁分 人參壹錢無

黨參伍陸錢代之水煎食前服

薏苡仁湯

苡仁

瓜蒌仁

各叁錢

丹皮

白芍

各壹錢

桃仁

貳錢去皮尖研空

心服

排膿湯

生黃芪

當歸

各叁錢

銀花

川芎

甲片

炒敲碎

瓜蒌仁

白芷

各壹錢

甘草

伍分

水煎空心服

陳皮葵根湯

生黃芪

伍錢

廣皮

當歸

皂角

各貳錢

蜀葵花根

壹兩切片

水

三碗酒一盃煎分二次服

海浮湯

明乳香

去淨油 貳錢

沒藥

去淨油

浙貝

茯苓

各壹錢 伍分

生黃芪

叁錢

炙草

伍分

水煎服

四物湯

見後

入珍湯

見前產門不開加黃芪 肉桂卽十全大補湯

呃逆

此乃傷寒失下症有之今產婦脾胃虛或食熱物冷熱相搏或寒凝於中皆有之寒者用丁香肉桂熱用橘皮竹茹湯加柿蒂主之或炙其門穴自止

橘皮竹茹湯

廣皮

貳錢 竹茹 壹錢

甘草

伍分

姜棗水煎

產後身痛

身痛者因產時百節開張血脈空虛不能榮養筋骨也又有敗血乘虛流注經絡致痛大意按之痛者非風寒卽瘀滯若按之不痛附熱者虛寒也如血不足以流通者四物湯見後加黑姜桃仁紅花澤蘭補兼運行如或喜按畏寒者四物湯加人參白朮黑姜補養自安有外感風寒則發寒熱頭痛身痛或鼻塞口出火氣斯爲外感用古拜散加歸芎黑姜秦艽以溫散如散後痛未盡止乃氣血虛致榮衛未和用八珍湯補之此散後補之大法也

古拜散

荊芥穗炒黑爲末生姜湯調下一二錢量人虛實用  
本方加當歸亦名清魂散更穩此方產後受風筋脈引  
急或搐抽口噤或昏憤不省人事頭身痛發寒熱一二  
劑卽愈蓋產後空虛之人斷不可用羌防柴葛之類以  
重其疾也

產後腰痛

產後未有不傷腎者腰痛總屬腎虛當用六味地黃湯

見前

不加杜仲續斷肉桂或食猪腰子補之又有腎氣不足  
用八珍湯前見杜仲續斷肉桂又或風冷客於下部必上

連脊背下連腿膝用獨活寄生湯甚加附子溫散然祇可服一二劑不可多服痛稍定隨用前方補之子制清腰湯服之頗當

獨活寄生湯

當歸

錢參

獨活

分參

桑寄生

錢壹

秦艽

分伍

茯苓

錢壹

牛膝

錢壹

甘草

參威靈仙

錢壹

細辛

分貳

肉桂

錢伍分

或官

狗脊

錢壹

姜片

水

煎服

清腰湯

黑料豆

錢伍

狗脊

錢壹

桑寄生

川斷

錢各壹

杜仲

丹參

錢各貳

錢

肉桂

分伍

青鹽

分貳

水煎服



## 蓐勞

產後氣血空虛眞元未復一有勞動則寒熱交作食少不寐頭目四肢脹痛或日輕夜重或時發時止變症不一名曰蓐勞最難調治大凡陽虛則惡寒陰虛則惡熱清陽不升則頭目痛血不足以榮養則四肢痺痛宜用八珍湯補之前見若脾虛食少嘔噁多痰用六君子見前加炮姜以溫中諸症自可全退然非參不可若一見前症遽用表散則失之遠矣所以初產數日斷不可梳洗勞動因其骨節尙未門筭筋脈易於損傷不可因體健而大意常有纏綿難愈日久成勞或致廢疾者不可不慎

也

白茯苓散 指掌曰白茯苓散羊肉等方皆治蓐勞亦甚

靈驗因附於此以備擇用

茯苓

壹兩

人參

炙黃芪

當歸

川芎

白芍

酒炒

熟地

桂心

各伍錢

共爲末用猪腰

去油膜淨一對

姜片

叁枚

棗水煎姜棗

腎煎湯去渣入前藥末伍錢再煎服

仲景羊肉湯

精羊肉

壹斤

當歸

伍兩

黃芪

肆兩

生姜

叁兩

水八升先煮羊肉生

姜取湯五升入歸再煎減至三升每服七合

人參鱉甲散

人參

伍錢

炙鱉甲

壹兩

淮牛膝

炙黃芪

茯苓

桑寄生

當歸

桂心

白芍

炒

桃仁

川斷

甘草

熟地

麥冬

各伍錢

共爲末和勻另用猪腰一對去淨膜加姜

叁片

棗

貳枚

水三碗煮取湯一大碗入前藥末三錢又加葱白

一寸烏梅三個荆芥

叁分

再煎溫服日日如此服完藥末

卽愈

喘促

新產氣急喘促因榮血暴竭衛氣無依名曰孤陽極危險

之症急用六味地黃湯

見前不語

加人參以益其陰若脾肺

虛者用四君子湯

見前血暈卽六君子除半夏陳皮

加當歸黑姜以益

其陽如見自汗厥冷再加附子又有假熱喘而多汗者  
用十全大補湯見前產門不閉加附子大劑重用方可救耳最  
怕喘急弔引瘀血上來一入於肺則鼻衄出乃肺欲絕  
矣入於心則昏憤無知心欲絕矣如外感嗽喘或素有  
痰哮症者則無妨用四君子湯加蘇梗陳皮炮姜歸芎  
治愈

鼻中起黑煤

產後有病或汗多或喘急發熱俱要留意看鼻尖黃明者  
生若鼻尖青環口黑色鼻內起煙煤者皆是絕敗之候  
如喘急卽用二味參蘇飲或可速救敗絕張景岳云氣

不能升降乃元海無根虧損肺腎而喘及至鼻煤唇黑  
氣將脫矣急服貞元飲救之

參蘇飲

人參

壹兩

蘇木

叁錢 杵細

水煎服如厥冷自汗加熟附子

貳

叁

錢

貞元飲

大熟地

叁兩

當歸

叁錢

炙草

壹錢

陰寒足冷加肉桂

壹錢

或加炮

姜人參

各叁錢

水煎

頻服

產後舌黑舌枯

凡產後妄投冷散致舌黑而枯或光紅無底皆危症也有

汗出多或童便用多而未顧其心腎者均有之蓋舌乃  
心之苗腎之本也如黑而帶潤色尚可挽回六味湯前  
不重用熟地加人參炮姜主之若舌乾黑而枯且渴者  
爲血液已亡不可救矣斯時惟有獨參湯兩許頻頻灌  
之或可十中救一若無力用參亦無益此症腎氣已竭  
不使用附桂剛烈之品惟人參能救氣於無何有之鄉  
且陽能生陰又生津液庶望回春 此症產十日內  
見者多不然必是汗多亡陽下虛亡陰譬如痢疾見舌  
枯或光紅如緞而乾渴者皆不治卽下虛亡陰也

獨參湯

好人參一兩煮一碗或加五味子一錢頻頻灌入或人

參

伍錢大熟地兩貳名二儀膏煎服亦妙

產後咳嗽

自心腹諸痛至此皆產科心法

產後嗽輕者肺虛也用生化湯加北沙參或酒炒黃芪如聲重咳不止者風也或虛火上冲也風則於生化湯中加黑荆芥穗火則於生化湯中除黑姜加炒麥冬又有冬月寒氣冲肺致嗽用黑姜加生姜自止但肺爲嬌臟不可久延致吊起瘀血或久嗽傷肺而致吐血入損總之肺經之藥勿用剛燥宜從滋潤養陰則無悞矣凡肺經之藥補用沙參黃芪清用貝母杏仁散用荆芥桔梗

涼用桑皮白前皆一定不易更有用參朮苓草補脾者  
虛則補其母也有用熟地阿膠補腎是補其子也使金  
水相生之理久嗽防損必補土補水子母相生亦一定  
也不特治產宜然卽平人咳嗽皆以此法爲準繩

### 產後備方

增損四物湯 治產後下血過多及血脫等症

當歸

叁錢

川芎

白芍

酒炒

人參

各壹錢

炮姜

叁分

炙草

伍分

水煎

冲入童便一小盃溫服

補脾飲 治婦人臨產損破脾胞小便不禁

黃絲絹

天生黃者三尺用炭灰淋汁煮爛以清水漂極淨

黃蠟

伍錢

白蜜

壹兩

馬兜



服大補生化湯

三產後血多或勞倦昏暗血暈宜頻服生化湯服至產婦精神如舊而止如血暈形色脫或汗多加人參三四錢四產後胞衣不下宜溫服生化湯兩帖初煎下益母丸一丸次煎又一丸外用烘熱衣服煖產婦腹凡冬月慎不可在淨桶及人身上守候胞衣致嚴寒損害產母必須上牀蓋被火籠暖身頻服生化湯方無失悞

益母丸 孕婦諸症並宜服之

益母草

肆兩

白朮

壹兩

條芩

捌錢

煉蜜丸

如彈子大孕內多氣

加木香

叁錢

胸腹不舒加紫蘇陳皮

各貳錢

五產後頭痛身熱惡寒雖明知感冒只宜連服生化湯服至熱退疼除而止如三四帖後頭疼如故加連鬚葱頭四五個

六產後乍寒乍熱脇痛或頭痛宜服生化湯三兩帖如未除加桂枝七八分以散寒塊木香磨一分

七產後感寒上攻則心痛下攻則腹痛且血塊又痛宜服生化湯加桂枝錢壹以定痛如兩帖未止再加吳茱萸或

姜三片必用在生化湯中助血方妥若獨用諸熱藥攻寒其痛雖止血分虧矣

八產後身熱或夜熱或寒熱往來並宜服生化湯

九產後寒熱往來每日應期發作似瘧只宜服生化湯幾帖寒熱自除如汗多人虛加人參

十產後感寒心下痞滿宜服生化湯加陳皮桔梗白豆蔻  
各伍分 木香 壹錢

十一產後感寒咳嗽或身熱宜服生化湯加杏仁拾粒知母  
天冬各壹錢甘草肆分桔梗伍分痰加橘紅肆分天花粉捌分有汗

加人參

十二產後傷食宜生化湯加神麴壹錢麥冬伍分如停肉食加

砂仁山查各肆分傷寒飲食加吳茱萸壹錢桂枝伍分傷寒食

脇痛加肉桂柒分

十三產後忿怒心膈滿悶宜生化湯加木香貳分

十四產後日久大便不通宜生化湯加菴蓉貳錢日服二三

帖助血血旺自通另研芝麻三合爲末和米一升作粥

飲之

十五產後血多或汗多小便澁少或不通宜生化湯加人參五味麥冬如仍不通用葱頭一箇切一指厚放臍上灸之

十六產後氣血虛冒寒小便不禁或多遺溺宜服生化湯加益智仁六分

十七產後泄瀉宜生化湯加茯苓壹錢澤瀉柒分另蓮子同糯

米粳米等分煮粥食之如脫形昏倦卽服加參生化湯  
十八產後失血心神失守妄言妄見宜生化湯加茯苓棗  
仁遠志柏仁去油各壹錢橘紅肆分麥冬壹錢如虛汗脫卽服加  
參生化湯

十九產後足冷發厥血塊又痛宜生化湯

二十產後痢不分紅白宜生化湯減干姜加木香三分

廿一產後血崩大脫宜頻服生化湯加炒黑荆芥穗壹錢如

不效服加參生化湯

廿二產後霍亂吐痢多因虛中感寒用生化湯加砂仁茯

苓藿香生姜

廿三產後遍身痛多屬氣血虛滯宜生化湯加焦白二十根肉桂八分

廿四產後癰疽宜生化湯加連翹天花粉

各壹錢

又萊豆粉

貳錢和服不可服敗毒散大黃等藥

廿五產後四肢麻木血虛宜生化湯加浮萍如血崩脫而麻木宜加參生化湯

廿六產後目疼昏熱赤腫宜生化湯加荆芥

廿七產後卒然口噤牙緊手足攣搐類中風宜生化湯加

天麻羌活防風姜

片壹

廿八墮胎卽小產凡孕後患傷寒或患疫症熱久皆能墮

胎墮後未免增熱因熱消陰血又繼產脫血故治者慎  
勿妄論傷寒痰熱未除誤投梔子豉湯芩柏等藥或寒  
熱往來柴胡斷不可用或潮熱往來大小便秘承氣五  
苓等湯亦斷不可投總宜頻服生化湯日進兩帖服至  
熱退停藥如虛脫形色脫或汗多或渴兩帖後卽加人  
參麥冬以防暈厥且生化湯有川芎性辛散邪乾姜助  
血能除大熱其結燥便秘灼熱多服生化湯自然津液  
漸生二氣和通矣

倍參生化湯 產後危急諸症並宜服

當歸

伍錢

川芎

貳錢

乾姜

肆分

炙甘草

肆分

人參

叁錢

桃仁

拾粒

去皮棗貳枚

五急症

一、晚下卽時昏暈形色脫宜倍參生化湯加荊芥穗五分

二、產後勞倦形色脫宜倍參生化湯加黃芪壹錢熟地叁錢

附子叁分如血塊痛除地芪

三、產後血崩形色脫宜倍參生化湯加荊芥穗肆分如血塊

痛可服升舉止崩神烏方

白朮壹錢當歸壹錢熟地壹錢人參肆錢黃芪肆分黃連肆分甘草

升麻肆分陳皮肆分白芷肆分荊芥肆分熟附三分棗水煎

四、產後汗多形色脫宜倍參生化湯減乾姜加麻黃根棗



仁黃芪

各壹錢

熟地

叁錢

血塊痛未止除芪地加浮小麥

拾伍

粒防風

捌分

五產後氣短似喘宜服倍參生化湯加沉香

貳分磨

陳皮香

附

各叁分

以上五症兼見雜症俱照後開加減法

渴加麥冬

壹錢

北五味

伍粒

瀉加白茯苓

壹錢

澤瀉

捌分

大便不

通加茯苓

壹錢

驚悸加棗仁

壹錢

益智仁

壹錢

傷麵食加神

麴

捌分

麥芽

伍分

傷肉食加砂仁

伍分

山查

壹錢

小便不禁加益

智仁

陸分

寒嗽加杏仁

拾粒

桂枝

伍分

痰加天花粉

捌分

橘紅

肆分

虛嗽加天冬

壹錢

瓜萸仁

捌分

食少加白朮

貳錢

氣虛痰加竹

瀝半酒盞姜汁少許

一產後頭疼身汗倦怠宜倍參生化湯加黃芪壹錢麻黃根

肆分地骨皮壹錢白芷防風羌活各肆分棗水煎

二產後感寒身熱頭疼嗽重有痰有汗宜生化湯加人參

壹錢天花粉壹錢麻黃根肆分地骨皮壹錢桔梗肆分如頭疼甚加

連鬚葱頭五箇

三產後先寒後熱或潮熱夜熱每日應時類瘧有汗宜生

化湯加軟柴胡青皮各捌分烏梅貳個汗多加麻黃根肆分汗

不止加熟地貳錢食少加黃芪白朮各壹錢伍分陳皮肆分

四產後妄言妄見宜加味生化湯加棗仁茯神柏子仁遠

志麥冬各壹錢橘紅肆分

五產後足冷發厥一日三四次厥去宜倍參生化湯加白

朮土炒熟地壹錢製附子肆分

六產後身熱有汗大便不通宜倍參生化湯加麻黃根肆分

麻仁地骨皮肉苁蓉各壹錢

七產後身熱有汗脇痛或潮熱宜加參生化湯加麻黃根

肆分黃芪壹錢桔梗柴胡各柒分臍下痛按之稍止加熟地

貳錢

八產後大便不通潮熱睡中妄言宜加參生化湯加棗仁

地骨皮各壹錢

九產後有汗小便少宜加參生化湯加麻黃根肆分麥芽葛

根五味黃芪

各伍分

十產後有汗泄瀉宜生化湯加麻黃根

肆分

肉果

壹個

蓮子

拾粒

十一產後有汗泄瀉危困甚宜丹溪醫按方

見第十四下

十二產後大便不通誤服大黃成鼓脹

十三產後傷食誤服消導藥成鼓脹

十四產後忿怒誤服耗氣藥成鼓脹、以上三症誤下誤

消誤耗並宜用丹溪醫按方

人參

當歸

各叁錢

川芎

白芍

茯苓

各壹錢

澤瀉

捌分

厚朴

製

紫蘇

各伍分

陳皮

肆分

腹皮

萊菔子

各陸分

傷麵食加神麵

壹錢

麥芽

壹錢伍分

傷肉

食加焦山查

壹錢

砂仁

伍分

怒氣加木香

叁分

十五傷食痛或脇痛誤服消導方多絕穀食獨用鍋飯焦

爲粉後用人參

叁錢

姜片

壹錢

煎湯調服焦粉漸漸引開胃口

十六產後血崩日久不止宜服升舉大補方 白朮 當

歸 熟地

人參

川芎

黃芪

麥冬

各貳錢

荆芥

羌活

防風

升麻

各伍分

陳皮

甘草

各肆分

黃連

黃

柏

各叁分

此方常人血崩服之亦效

十七子宮不收產戶不閉脫肛重者並宜倍參生化湯

十八產後神昏形脫有汗倍參生化湯內減乾姜忌食姜

葱 以上十八危症並以補氣爲主隨症緩急按方加

戒在用者細心參酌

附產科心法汪樸齋治驗醫案

產後腹脹惟胞未下者有之兒生後自收子族弟媳產下  
時腹已收次日忽大如鼓較之產前更甚脹悶難安氣  
急促命在旦夕予適遠歸急治之腹大且堅二便不通  
咸謂未產日食物停滯予診其脈軟而濇知非停食必  
產時冷風入子宮致瘀血凝滯用生化湯加肉桂壹錢煎  
好下失笑丸叁錢又調花蕊散叁錢進二帖而腹減半再服  
生化湯倍黑姜數帖而安此症若不憑脈理遽用消食  
則誤矣

大族姪媳產後發疹醫謂是瘡麻用桔梗荆防發之兩日  
遂喘汗熱悶幾欲絕子視之脈寸大尺空且遲曰此非  
麻瘡也緣下部虛寒其無根失守之火浮遊於上發虛  
疹如蚊蹟隱於膚內耳且新產纔七朝豈堪任此涼散  
急進十全大補湯加附子而汗止喘定二帖後易八珍  
湯半月後與六味而痊此症設被壞事祇知瘡發不出  
而死誰怨其錯可不懼哉

海鹽俞姓婦懷孕三子俱不育臨產時穩婆見胞半出以  
手拖下傷其帶脈致腹痛一足縮不能伸經一月痛楚  
難睡子視之乃弔腳腸癰也脈已數知毒熟矣乃用黃

芪皂角甲片陳皮當歸加葵根酒水煎服次日下膿數碗腹痛漸減隨服參芪地歸補之繼用四物湯入珍湯月餘而起

有陳姓妻產後小便不通脹痛難安予曰瘀阻膀胱氣不

化也與生化湯加肉桂

陸分澤蘭錢貳

夜半得小便次日復

用六味湯吞失笑丸遂痊

許姓婦產後寒熱醫進鉤藤荆芥不效繼用柴胡湯熱愈盛而赤鼻出血予視之乃血虛症誤用柴胡致血上冲若再進必死急用四物湯加牛膝茯神而鼻血止轉用八珍湯加黑姜而熱退後以芪歸地求補之而愈



子族女產後驚風子曰此肝風內動又感外邪而然今熱不退而汗多手足搐抽已成痙厥此外將解而內虛爲重隨用歸芎加黑荊芥少許外用醋炭薰之汗漸少卽進姜桂四物湯而熱退次日轉用八珍湯加肉桂數帖而愈

吳姓婦產後腹脹小便不利子診脈遲軟知寒結衝任二脈氣滯不宣用五味異功散加熟附子壹錢數帖而安

許姓婦孕五月醫謂經阻用紅花桃仁香附行血等藥夜半血崩子往視形脈俱脫不知人事卽用人參貳錢炙芪壹兩阿膠貳錢熟地捌錢製附子壹錢煎好灌下至五更脈出人

魁務內見胞胎方知藥誤小產斯時倘不峻補安能有命

項氏婦小產崩脫子診之已無脈胸膈滿悶氣促汗出危

急之極子用人參

貳錢

熟地

壹兩

阿膠

叁錢

艾葉

壹錢

製附子

壹錢

炙黃芪

壹兩

當歸

叁錢

速令煎服服半帖氣仍悶促隨令再

進胸悶頓舒氣亦勻脈亦續至次早又進原方遂漸愈此卽內經所謂塞因塞用也緣氣不歸原下不納氣致浮於上又卽下虛上實血旣亡矣陽無所附若非大補卽脫去矣

附安胎萬全神應湯

治胎孕三月前後或經怒或蹶跌

以教胎傷腹痛腰疼一帖卽安雖見血一二日未離宮者亦卽安倘先經三四五個月會半產者及到月分略覺腰骨酸脹一帖便安數服卽萬全矣

當歸

壹錢

熟地

姜汁製壹錢

白朮

黃芩

各壹錢

川芎

陸分

白芍

炒

杜仲

白茯苓

炙黃芪

各柒分

阿膠珠

柒粒

胸前作脹

加紫蘇

陸分陳皮

陸分

下帶或紅加地榆

壹錢

蘼艾

柒分

見

血加川續斷

壹錢

糯米

百粒

水煎空心服